

尚書今古文考證

尚書今古文攷證卷六

武進莊述祖葆琛著

周書

太誓上

馬融書序曰太誓後得按其文似若淺露又云八百諸侯不召自來不期同時不謀同辭及火復于上至于王屋流爲鵬五至以穀俱來舉火神怪得無在子所不語中乎又春秋引大誓曰民之所欲天必從之國語引大誓曰朕夢協夢卜襲于休祥戎商必克孟子引大誓曰我武惟揚侵于之疆取彼凶殘我伐用

張子湯有光孫卿引大誓曰獨夫受禮記引大誓曰
予克受非予武惟朕文考無臯受克予非朕文考有
臯惟予小子無良今文大誓皆無此語吾見書傳多
矣所引大誓而不在大誓者甚多弗復悉記略舉五
事以明之亦可知矣

書泰誓疏 按所引書傳皆同
東晉古文由孔疏改從今本也

王肅曰大誓武王以大道誓衆大誓近得非其本經

同上

惟四月大子發上祭于畢下至于孟津之上

詩思
文疏

亦氏曰孟津地名

同上

馬曰畢文王墓地名也

史記
集解

尚書大傳及藝文類聚引大誓作盟津蓋今文也按
武王卽位稱天子見尚書中候此大誓與書傳所引
大誓不同不必強爲之說然可沒其非僞也中候文
見太平御覽附錄

尚書中候曰廢考立發爲天子

鄭氏曰定王業也

又曰我終

之後恒稱天子

終沒恒常也稱天子者明非諸侯王事未定也

又曰天子發

以紂存三仁附卽父位不稱王

發武王名也三仁箕子比干微子文王得

赤雀丹書改號以應天道未成而崩武王以天又曰
誅未行謙不自成故稱天子明統緒而未成王

子稱天子發明慎父以名卒考

予我也父从曰考文王命武王我終之後

恒稱天子者明慎文王之命也君存稱世子薨稱大子既葬稱子喻季稱公今喻季而稱大子發若父業

有不成者
而將畢也

尚書大傳鄭注四月周四月也發周武王也卒父業

故稱大子也

御覽一百
四十六

史記周本紀曰武王卽位大公望爲師周公旦爲輔
召公畢公之徒左右王師修文王緒業九季武王上
祭於畢東觀兵至於盟津爲文王木主載以車中軍
武王自稱大子發言奉文王以伐不敢自專

乃告司馬司徒司空

同上 尚書大傳引乃
告下有于字見御覽

孔穎達曰大誓司馬在前王肅曰司馬大公也

詩大
明疏

諸節

尚書大傳
史記

馬曰諸受符節有司也

史記集解

允才尚書大傳

周本紀曰齊栗信哉允當作允才當作哉釋詁曰允信也故史記作信書傳脫齊栗二字

子無知以先祖先父之有德之臣左右小子子受先公戮力賞罰以定厥功明于先祖之遺尚書大傳

周本紀曰子無知以先祖有德臣小子受先功

集解徐廣

曰一云予小畢力賞罰以定其功按釋詁曰公事也子受先公功

史記以功穡公功亦事也

周公曰都懋哉予聞古先哲王之格言

周禮大祝疏附

下而罔上者死附上而罔下者刑與聞國政而無益于

民者退在上位而不能進賢者逐

說苑臣術篇

說苑引泰誓云云此所以勸善而黜惡也故傳曰傷善者國之殘也蔽善者國之讒也愆無罪者國之賊也

正稽古立功立事可以永季傳于無窮丕天之六律漢書

郊祀志 平當傳

立功一作建功

鄭曰丕大也律法也後漢書班固傳注

太子發拜手稽首周禮大祀疏

師行史記齊大
公世家

鄭曰六軍之兵東行

詩棧
撲疏

周本紀曰遂興師齊大公世家曰武王卽位九年欲
修文王業東伐以觀諸侯集否師行皆約大誓支以
大雅棧撲疏證之當從齊世家作師行也

師尚父左杖黃鉞右把白旄

齊世家

鄭曰師尚父文王於磻谿所得聖人呂尚立以爲大
師號曰尚父尊之

詩大
明疏

周本紀無左杖黃鉞二句皆約大誓文今從其稍詳
者

以號曰

周本紀
齊世家

鄭曰號令之軍法重者

史記集解

齊世家曰以誓曰以集解所引鄭注證之當從周本

紀作號

蒼兕蒼兕總爾衆庶與爾舟楫後至者斬

周本紀齊世家

馬曰蒼兕主舟楫官名

史記集解

周本紀無蒼兕蒼兕四字以集解所引馬注證之史

記蓋互有詳略也史記索隱曰本或作蒼雉按王充

論衡是應篇曰師尚父爲周司馬將師伐紂到孟津

之上杖鉞把旄號其衆曰蒼兕蒼兕者水中之獸也

善覆人船因神以化欲令急渡不急渡蒼兕害女又

曰河中有此異物時出浮揚一身九頭人畏惡之未
必覆人之舟也尚父緣河有此異物因以威衆是馬
融所注古文王充所引今文皆作兕則作蒼雉者聲
相近誤也

大子發升于舟中流白魚入于王舟王跪取出溪以燎

之詩思文疏藝
文類聚十六

鄭曰白魚入舟天之瑞也魚無手足豕紂無助白者
殷正色天意若曰以殷予武王當待無助今尚仁人
在位未可伐也得白魚之瑞卽變稱王應天命定號
也渙涯也王出於岸上燔魚以祭變禮也

詩思
文疏

馬曰魚者介鱗之物兵象也白者殷家之正色言殷

之兵衆與周之象也

史記集解

尚書大傳曰天子發升于舟白魚入于舟

惠本舟下有中字

王跪取出燎

惠本但跪取出渙以燎御覽鈔本無燎字今逸活字本

史記周本

紀曰武王渡河中流白魚躍入王舟中武王俯取以祭漢書終軍傳曰昔武王中流未濟白魚入于王舟俯取以燎亦約史記言之非大誓本文也詩疏與書傳辭有增損或古今文異讀也

白虎通義爵篇曰或曰天子之子稱天子尚書

通典引有

傳字曰天子發升于舟中侯曰廢考立發爲天子明文

王時稱天子也

羣公咸曰休哉

尚書大傳
漢書終軍傳

至于五日有火自上復于下至于王屋流之爲鵬其色

赤其聲魄五至以繫俱來

詩思
文疏

鄭曰五日燎後日數王屋所在之舍上流猶變也鵬
當爲鴉鵲鳥也燎後五日而有火爲鳥天報武王以
此瑞書說曰鳥有孝名武王卒父大業故鳥瑞臻赤
者周之正色也繫記后稷之德又禮說曰武王赤鳥
繫芒應周尚赤用兵王命曰爲牟天意若曰須假紂
五季乃可誅之武王卽位此時已三季矣繫蓋牟麥

也詩云貽我來牟

同上 史記集解

馬曰王屋王所居屋流行也魄然安定意也

史記集解

司馬貞曰按今文泰誓流爲鵬鵬鷺鳥也馬融曰明

武王能伐紂鄭元云鳥是孝鳥言武王能終父業亦

各隨文而解也

史記集解

按馬鄭所注皆古文唐時謂

之今文者據東晉古文而言凡兩漢諸儒所注皆爲

今文猶漢時博士所讀爲今文民間所傳爲古文也

尚書大傳曰有火流于王屋化爲赤鳥三足武王喜

諸大夫皆喜

惠本有此二十字

周本紀曰既渡有火自上復下至于王屋流爲鳥

其色赤其聲魄云按此則鵠舊讀鴉破字不始於鄭也馬依本字讀之與諸家異故鄭不從其說不得以爲古今文之異明矣

漢書董仲舒傳曰書曰白魚入于王舟有火復于王

屋流爲烏

師古曰今文尚書泰誓之辭也謂伐紂之時有此瑞也復歸也音扶目反

詩思文箋曰武王渡孟津白魚躍入于舟出渙以燎後五曰火流爲烏五至以桀俱來

孔穎達曰大誓止云白魚不言魚之大小中候合符后云魚長三尺赤文有字題之目下授右注云右助也天告以伐紂之意是其助然則目下有此授右之

字也而彼授右之下猶有一百二十餘字乃云王維
退寫成以二十字魚文消蓋其鱗甲之上有此字非
目下所能容直言出溪以燎不言迴舟蓋在此岸燎
也大誓之注不解五至而合符后注云五至猶五來
不知爲當一日五來爲當異日也言五至以槩則弟
五至時乃有槩耳

詩思
文疏

又曰云槩以記后稷之德

者尚書旋機鈴及合符后皆有此文注云稷好農稼

今烏衡槩故云記之也
同上 思文箋亦
云槩紀后稷之德

後漢書班固傳注尚書中候曰天子發渡孟津有火
自天止于王屋流爲赤鳥按此則中候有太誓文矣

惟流之爲鵬其色赤作流爲赤鳥自伏生董生太史
公鄭君皆讀屢爲鳥則所据者中候也

周公曰復哉復哉漢書董仲舒傳師古曰周公視火
鳥之瑞乃曰復哉復哉復報也言周
有盛德故天報以此瑞
也亦見今文泰誓也

尚書大傳曰周公曰茂哉茂哉天之見此以勸之也

恐恃之惠本有此
十八字按伏生傳與董生對冊所引大誓

皆今文而有異辭未詳孰是或以聲相近故師所授

讀異也

楚辭天問曰會量爭盟何踐吾期一作會
是請盟蒼鳥羣飛

孰使萃之蒼一作倉
倉一到擊紂躬叔且不嘉
作列何親揆發

足周之命以咨嗟

一無何字一云周命咨嗟

王逸注曰周公名

也嘉善也言武王始至孟津八百諸侯不期而到皆

曰紂可伐也白魚入于王舟羣臣咸曰休哉周公曰

雖休勿休故曰叔旦不嘉也揆度也言周公於孟津

揆度天命發足還師而歸當此之時周公之命令已

行天下百姓咨嗟嘆而美之也按天問注亦約大誓

文雖休勿休申復哉復哉義未審亦大誓文否也但

天問足當作足說文正記也通作疏疏卽書也周禮

大祝疏所云使上附以周公書是也正字屬下讀孫

炎釋言注揆商度也言周公親爲武王商度然後興

師及得火鳥之瑞何故不以得美祥而喜又上書陳周所受之天命而咨嗟以戒之也是復當訓歸周公以天意示紂尚未可伐當還師復歸也顏師古說失之

使上付以周公書報誥于王王動色變

周禮大祝注及疏

周禮大祝九擇四月振動注曰元謂振動戰栗變動之拜書曰王動色變釋曰按中候我曆云季秋七月甲子赤雀銜丹書入酈王昌戶再拜稽首受按今文大誓得火鳥之瑞使上附以周公書報誥於王王動色變雖不見拜文與文王受赤雀之命同爲稽首拜

也愚按振動本無拜文鄭引王動以證振動是動卽拜也漢書劉輔傳曰君臣祇懼動色相戒後漢書班固傳曰君臣動色連下色變爲義與鄭異也

八百諸侯不召自來不期同時不謀同辭

書秦誓疏引馬融書序

皆曰受可伐王曰爾未知天意未可伐

詩閔宮疏大誓說十一季觀兵

盟津之時八百諸侯皆曰云云

周本紀曰是時諸侯不期而會盟津者八百諸侯諸侯皆曰紂可伐矣武王曰女未知天命未可也乃還

師歸

還歸二季乃遂伐紂

漢書律志

漢書律歷志曰三統上元至伐紂之歲十四萬二千一百九歲歲在鶉火張十三度故書序曰惟十有一季武王伐紂大誓八百諸侯會還歸二季乃遂伐紂克殷以箕子歸十三季也故書序曰武王克殷以箕子歸伯洪範洪範篇曰惟十有三祀王訪于箕子自文王受命而至此十三季歲亦在鶉火故傳曰歲在鶉火則我有周之分塋也師初發以殷十一月戊子日在析木箕七度故傳曰日在析木是夕也月在房五度房爲天駟故傳曰月在天駟後三日得周正月辛卯朔合辰在斗前一度斗柄也故傳曰辰在斗柄

明日壬辰晨星始見於癸巳武王始發丙午逮緒本皆誤

化還詩大明疏引師戊午度于盟津盟津去周九百

里師行三十里故三十一日而度明日己未冬至晨

星與婺女伏歷建星及牽牛至於婺女天竈之首故

傳曰星在天竈按此三統据大誓周語以推武王伐

紂之日月也劉歆雖誤以洪範之十三祀爲伐紂之

歲與書序不相應而所推日辰則本之大誓之丙午

逮師及合證以書序之戊午師渡孟津武成卽周書世俘

之癸巳武王乃朝步自周固歷歷不爽也大誓文已

不具而三篇次第卽此可推今定此爲上篇書泰誓

疏曰今文大誓亦云四月觀兵知觀兵但記月故曰
惟四月伐紂但記日故曰惟丙午說詳後篇

齊世家曰遂至盟津諸侯不期而會者八百諸侯諸
侯皆曰紂可伐也武王曰未可還師與大公作此大
誓按此下有居二年云云亦以爲十一年武王伐殷
緣起此曰與大公作此大誓是題上事謂大誓上篇
也與周本紀武王乃作大誓告于衆庶謂大誓下篇
者不同

大誓中

惟丙午王逮師

書堯典疏劉歆作三統歷引今文大誓
云丙午逮師太平御覽五百七十四尚

書太傳曰惟丙午王建師惠董二本尚書大傳及漢書
律歷志皆作還師故編輯大誓者誤以此文爲觀兵時
事今改正

周本紀曰居二年閏紂昏亂暴虐滋甚殺王子比干

囚箕子大師疵少師彊抱其樂器而奔周於是武王

徧告諸侯曰殷有重罪不可以不畢伐

徐廣曰一作滅

乃遵

文王遂率戎車三百櫟虎賁三千人甲士四萬五千

人以東伐紂按逮或作建或作還皆以文相近而誤

逮及也諸侯之師以殷十一月戊子先發而武王以

周正月癸巳始發故至丙午及之也周本紀本大誓

還歸二年及牧誓序以爲十一年武王伐殷緣起其

視劉歆枚瓚等以一月戊午爲十三季正月二十八日割裂書序強就其說者相去遠矣故采其說附此

前師乃鼓譟

詩大明疏 周禮大司馬注

尚書大傳曰惟丙午王還師師乃鼓譟師乃愾前歌

後舞

御覽四百六十七

按此卽大誓文惟遠師誤還師耳還

當爲還字相近誤釋言曰逮還也又周禮大司馬職

及所弊鼓皆賊車徒皆譟注至所弊之處田所當於

止也天子諸侯蒐狩有常至其常處吏士鼓譟象攻

敵剋勝而喜也疾雷擊鼓曰賊譟謹也書曰前師乃

鼓譟譟亦謂喜也

釋曰引書曰者書傳文蓋大誓本文無譟字也諸侯先發

武王後至故曰前師前師聞武王至若已勝敵皆喊
鼓謹呼而喜也字書無鼓字王逸楚辭天問竝驅擊
翼何以將之注曰言武王三軍人人樂戰竝載驅載
馳赴敵爭先前歌後舞鳧藻謹呼奮擊其翼獨何以
將率之也

鳧藻謹呼一云如鳥巢呼

亦約大誓文鳧藻卽鼓譟謂

謹呼如鳧之巢也音義鼓音符又芳甫反是鼓本有

鳧讀矣

說文巢鳥羣鳴也

師乃招

說文手部尚書大傳

說文曰招招也从手召聲周書曰師乃招招者拔兵
刃以習擊刺詩曰左旋右招鄭箋云右車右也前師

是諸侯之師此師則從王之虎賁三百人也革車三百兩車右卽虎賁主擊刺故曰師乃拍車有步卒七十二人凡二萬一千六百人故稱師也尚書大傳拍佻伯鄭注佻喜也衆大喜前歌後舞也

前歌後舞格于上天下地

詩大明疏

前者鼓鼙譟爲歌後者習擊刺爲舞也禮祭統記曰舞莫重於武宿夜注云武宿夜武曲名也疏皇氏云師說書傳云武王伐紂至於商郊停止宿夜士卒皆歡樂歌舞以待旦因名焉武宿夜其樂也熊氏云此卽大武之樂也按大誓前歌後舞尚未渡河而書

傳云至於商郊停止宿夜與此異也白虎通義禮樂篇曰樂所以必歌者何夫歌者口之言之也中心喜樂口欲歌之手欲舞之足欲蹈之故尚書曰前歌後舞假于上下禮文王世子記曰下管象舞大武大合衆以事達有神興有德也注云達有神明天授命周家之有神也興有德美文王武王有德師樂爲用前歌後舞疏云師樂爲用前歌後舞者是今文大誓之文也合二說論之大武之樂興於此矣

咸曰孜孜無怠

詩大明疏
詩譜序疏

周本紀曰十一季十二月戊午師畢渡盟津諸侯咸

曾曰孳孳無怠史記本大誓序明中篇記武王伐紂
是十一季殷十二月周正月也以劉歆三統攷之丙
午王逮師去戊午渡於孟津尚十有二日疏家所引
咸曰孜孜無怠與上前歌後舞格于上天下地相連
似不得繫於戊午師渡孟津後也以其節錄大誓并
序故略之耳

孔頴達曰是樂勸武王之事

詩大
明疏

天將有立民父母民之有政有居

詩譜序疏
詩鴻
馬疏
詩正月疏

孔頴達曰言民得聖人爲父母必將有明政有安居

詩譜
序疏

又曰今大誓文言天將有立聖德者爲天下

父母民之得有善政有安居彼武王將欲伐紂民喜

其將有安居是民之所欲安居為重也詩鴻鴈疏又曰

謂天子作民父母詩正月疏

大誓下

周本紀曰武王乃作大誓告于眾庶按大誓當讀王

曰告爾眾庶

今殷王紂乃用其婦人之言自絕于天周本紀漢書谷永傳無其字

師古曰今文周書大誓之辭婦人妲己言紂用妲己

之言自取殄滅非天絕之漢書注

四方之逋逃多罪是宗是長是信是使谷永傳

師古曰亦大誓之辭也宗尊也言紂容納逃亡多罪
之人親信使用尊而長之同上按周本紀載大誓無
此三句谷永言三代所以隕社稷喪宗廟者皆由婦
人與羣惡引書曰云云或以大誓證婦人又以牧誓
證羣惡顏注誤以為皆大誓文也姑附錄於此以志
闕疑

毀壞其二正周本紀

馬融曰勳逆天地人也史記集解張守節曰按三正三

統也周以建子為天統殷以建丑為地統夏以建寅

為人統也正義

離過其王父母弟

同上

鄭曰王父母弟祖父母之族必言母弟舉親者言之

也集解

乃斷棄其先祖之樂乃爲淫聲用變亂正聲怡說婦人

徐廣曰怡一作辭 同上

故今予發維共行天罰同上

驛詰曰肆故今也按大誓當讀肆予發

勉哉夫子

同上

鄭曰夫子丈夫之稱

集解

按牧誓勗作勉此勉亦當

讀勗

不可再不可三

同上

右重校定大誓三篇始余編輯漢博士所讀尚書
大誓與書傳所引大誓合一卷歲乙卯余自沛南
北上攜之行篋途次偶讀尚書正義云劉歆作三
統譜引大誓曰丙午逮師疑還師之誤識於左方
未暇是正其後閱漢志亦作還師及覆之詩正義
所引漢志還正作逮知非觀兵時事當爲大誓中
篇其疑始解余又疑後得之大誓詔月不記季今
更繹之大誓不記季固也其詔月亦祇觀兵時之
惟四月耳至史記所云惟十有二月戊午卽書序

之一月戊午也書序據周正史記據商正非大誓
文也大誓周書則亦周正故鄭氏注惟四月以爲
周四月向固疑大誓同一記月不應一用周正一
用商正自相踳駁知十有二月戊午之非大誓文
則四月爲周四月之疑渙然久釋矣其去就之小
異者詩大明正義云大誓司馬在前相承以爲大
誓文竊謂尚書他篇皆曰司徒司馬司空而大誓
獨曰司馬司徒司空則司馬在司徒前故王肅解
以爲司馬大公也意大公以大師攝司馬主軍旅
之戒命故在司徒前也方冬甚寒喜於得閒遂呵

凍促成之釐爲上中下三篇以合書正義所云上
篇觀兵時事中下二篇伐紂時事者雖非全文頗
具首尾但隨所校錄之覽者或諒其非妄云爾嘉
慶十三年歲在戊辰十一月莊述祖識

尚書今古文攷證卷七

武進莊述祖葆琛鑒

尚書序

馬鄭皆曰
孔子所作

昔在帝堯聰明文思光宅天下將遜于位讓于虞舜作堯典

鄭曰書以堯爲始獨云昔在使若無先之典然也按孔子序書據周太史所錄唐虞稱帝夏商周稱王其帝典及大禹皋陶謨益稷上紀唐虞之際首以曰若稽古者所以別之於三代也曰昔在者卽曰若稽古之例故皆謂之夏書聖人述而不作六經之所論定

卽周魯列國所紀載而託諸後言以示後世云爾

虞舜側微堯聞之聰明將使嗣位歷試諸難作舜典

舜典
逸

鄭曰入麓伐木

帝釐下土方設居方別生分類作汨作九共九篇橐籥

鄭曰汨作逸九共
九篇逸橐籥也

釋文下共絕句一讀至方字絕句又云衆家經文並

盡此惟王注本下更有汨作九共故逸故亦作古

臯陶矢厥謨禹成厥功帝舜申之作大禹臯陶謨益稷

鄭曰大禹謨
逸乘稷逸

伊尹相湯伐桀升自陟遂與桀戰于鳴條之野作湯誓

鄭曰鳴條南夷地名

夏師敗績湯遂從之遂伐三腹俘厥寶玉誼伯中伯作

典寶鄭曰典寶逸

鄭曰伊訓云載孚在亳又曰征是三腹史記腹作災

誼作義

湯歸自夏至于大坰中虺作誥鄭曰中虺之誥亡

左傳作仲虺之志荀子作中歸之言史記大坰作泰

卷陶徐廣曰一虺作陶无此陶字

湯既黜夏命復歸于亳作湯誥鄭曰湯誥逸

此湯克夏歸至亳述先王言以誥諸侯也按史記所載湯誥文與東晉古文異要其大旨以爲自天子至於諸侯及其大夫必有功於民然後有立否則罪及其身其言駿厲嚴肅可以爲法戒焉黜化紂

伊尹化咸有一德

鄭曰咸有一德逸堯典正義孔以

在湯誥後第三十二

鄭曰伊陟臣扈曰下闕史記咸有一德亦在明居前

咎單作明居

鄭曰明居也

馬曰咎單湯司空也明居明居民之法也

成湯既沒太甲元季伊尹作伊訓肆命祖后

鄭曰伊訓逸肆命逸

也 祖后

鄭曰肆命者陳政教所當爲也祖后者言湯之法度也

大甲既立不明伊尹放諸桐三季復歸于亳思庸伊尹

作大甲三篇 鄭曰大甲三篇也

鄭曰桐地名也有王離宮焉

沃丁既葬伊尹于亳咎單遂訓伊尹事化沃丁 鄭曰沃丁也

伊陟相大戊亳有祥桑穀共生于朝伊陟贊于巫咸作

咸又四篇大戊 鄭曰咸又四篇也

史記云伊陟贊言於巫咸巫咸治王家有成作咸艾

作大戊則咸又下當有大戊篇名也從史記增

大戊贊于伊陟作伊陟原命

鄭曰伊陟
亡原命逸

馬曰原臣名也命原以禹湯之道我所修也按史記
有大戊無伊陟是大戊篇卽伊陟篇太史公從安國
問猶得聞百篇之說故曰帝大戊贊伊陟于廟言弗
臣伊陟讓作原命是也伊陟二字衍

中丁遷于囂作中丁中丁書闕不具

鄭曰中
丁亡

史記囂作廢又云中丁書闕不具按此句當亦是書
序中語蓋百篇中卽有錄無書否則漢時亡逸者甚
多不應獨中丁一篇也從史記增

河亶甲居相作河亶甲

鄭曰河亶甲也

祖乙圮于耿作祖乙

鄭曰祖乙也

鄭曰祖乙又去相居耿而國爲水所毀於是修德以禦之不復徙也錄此篇者善其國圮毀改政而不徙史記作遷於邢

盤庚始遷將治亳殷民皆胥怨作盤庚三篇

史記云帝小辛立殷復衰百姓思盤庚廼作盤庚三篇鄭曰祖乙居耿後奢侈踰禮迫近山川嘗圯焉至陽甲立盤庚爲之臣乃謀徙居湯舊都治於亳之殷地商家自此徙而改號曰殷民居耿久奢淫成俗故

不樂徙按盤庚爲陽甲之臣卽謀遷殷是遷殷陽甲之志也故經曰丕從厥志又曰殷降大虐先王不懷先王謂陽甲臣子一也盤庚歸善於君親則祀陽甲以禰廟明矣或又謂盤庚繼祖乙者特以篇次祖乙言之耳太史公謂從後追述之辭真古文說也正義引東哲云治亳壁中書作始宅左傳引作盤庚之誥高宗夢得說使百工營求諸野得諸傅巖作說命三篇鄭曰說命三篇也

釋文說本又作兌說文負營求也从貝从人在穴上書曰高宗夢得說使百工負求得之傅巖應從說文

營作變得諸作得之史記巖作險

高宗祭成湯有飛雉升鼎耳而雉祖已訓諸王作高宗

彤日高宗之訓鄭云高宗之訓也

按五篇之序尚書十四篇自帝告至于微子惟成湯

稱謚武丁稱謚稱宗大甲大戊皆不以宗名篇高宗

彤日者百世宗廟之禮之大法也祭成湯者雉祭也

祭成湯之明日釋賓尸故曰彤日時四親廟猶未祭

也有飛雉升鼎耳而雉鼎宗廟之器鼎耳所以貫鼐

鼎非鼐不行雉羽蟲火之屬也火爲禮雉雉爲震變

見祭成湯之明日以恐懼之則四親廟之禮有失也

武丁父小乙以上四世皆兄弟相及或修四親廟禮
或廢而不修至武丁而五世之廟無恒祀祖已訓諸
王以正其典祀武丁乃修建寢廟所謂殷衰而復興
禮廢而復起也史記云帝武丁崩子帝祖庚立祖已
嘉武丁之以祥雉爲德立其廟爲高宗遂作高宗彤
日及訓蓋百篇多出於後錄書者加之或聖人所定
不獨高宗彤日爲然故成王征以謚名篇酒誥成王
若曰亦稱謚也詳高宗彤日議史記祭成湯下有明
日二字雖作陶漢書五行志飛作斐升作登

殷如咎周周人乘黎祖伊恐奔告于受作西伯戡黎

說文戡作戡殺也大傳黎作者史記作飢一作既按
字書當作邱

殷既錯天命微子作誥父師少師

惟十有一季武王伐殷一月戊午師渡孟津作大誓二
篇

按十一季者武王卽位之十一季也史記周本紀一
月作十二月商之十二月周之一月故甲子昧爽在
二月或作正月亦商之正月也詳大誓序說

武王戎車三百兩虎賁三百人與受戰于牧野作牧誓
說文受作紂牧作姆姆朝歌南七十里地按大誓三

篇告諸侯及商庶百姓皆明天命廢興毋替則中嚴
軍令而已故別爲次與湯誓同例

武王伐殷往伐歸獸識其政事作武成

鄭曰武成逸

鄭曰著武道至此而成武成逸書建武之際以史記
獸化狩今本皆作歸獸以歸馬放牛富之而周書世
俘又言武王狩禽虎貓犀犛熊羆麋鹿之屬其篇首
亦有于征伐紂之文劉歆三統以爲周書武成未知
鄭氏所謂武成逸書也於建武之際者卽是篇否也
要皆非百篇之舊今從史記作歸狩言西歸行狩也
釋文獸本或作獸許救反按獸與古文單字相近
而訛蓋禪字假借卽謂祀於天位也舊說附此

武王勝殷紂立武庚以箕子歸伯洪範

按以已古通已當作祀祀字絕句易已事端往本亦
作祀事史記宋世家云封紂子武庚祿父以續殷祀
勝殷紂立武庚祀十有一季事也大傳曰箕子既
受周之封不得無臣禮故于十三祀來朝武王因其
朝而問鴻範劉歆三統謂卽在伐紂之歲故枚瓊所
獻古文在分器前今文傳大史公書皆以爲在克殷
後二季儒林傳以遷書洪範爲古文說是孔安國及
歐陽大小夏侯皆無異義倡是劉歆一人之臆說不
曰來朝曰歸者喜之也詳洪範序說

武王既勝殷邦諸侯班宗彝作分器

鄭曰分器也

按邦諸侯者分殷以爲諸侯之國也立武庚爲殷後使管叔蔡叔監殷民是謂三監班分也彝宗廟之器也分器者分其祭也與夏社同例史記邦作封與武成相次在洪範前太史公從亥國問真古文說也釋文班本又作般

西旅獻獒太保作旅獒

鄭曰旅獒逸

鄭曰獒讀曰豪西戎無君名強大有政者爲酋豪國人造其酋豪來獻見於周然西旅獻豪不辭當爲獒也狗四尺曰獒旅陳也陳德廣所致也獻獒各以其

所貴寶爲摯也太保召公奭也周公之治東方終於
息慎來賓召公之治西方始於西旅獻獒曰太保作
旅獒從其後書之也詳旅獒序說

巢伯來朝芮伯作旅巢命

鄭曰旅
巢命也

鄭曰巢南方之遠國諸侯世一見者伯爵也殷之諸
侯聞武王克商慕義而來朝芮伯周同姓國在畿內
魯語云桀奔南巢韋昭曰南巢揚州地巢伯之國今
廬江居巢縣是也按巢伯南方之諸侯要服也不在
九州之外非若西旅息慎比也與旅獒賄息慎之命
不同而從同者湯放桀於南巢以其地封之其子孫

不得用中國之禮則亦以遠人之例例之而已曰伯
者進之也蒯伯以其來朝乃陳夏商之所以隊命爲
後王監孔子錄之以爲有天下者不可不戒慎也

武王有疾周公作金縢

按金縢者周公之書之首篇也序曰武王有疾周公
作金縢文約而旨明矣詳金縢序說釋文有疾馬本
作有疾不豫

武王崩三監及淮夷畔周公相成王將黜殷作大誥

按自歸禾以至息慎之命再言天子再言王命曰黜
曰伐曰遷曰命曰封曰告皆繫之成王大誥曰相成

王君奭亦曰相成王相也者臣道也非假攝之謂也
其言攝政執政者偕也孫卿以後之言也詳大誥序
說正義黜殷下有命字釋文諸本或作葬

成王既黜殷命殺武庚命微子啟代殷後作微子之命
鄭曰微子
之命也

按武王入殷之時未及下車而封先聖之後武庚既
黜商先哲王不祀忽諸既黜殷命卽命微子代殷後
天命不敢以一日留也烏有二季黜殷六季始命微
子哉詳微子之命序說

唐叔得禾異畝同穎獻諸天子王命唐叔歸周公于東

作歸禾

鄭曰歸禾也

太傳曰成王時有三苗貫桑而生同爲一穗大幾滿車長幾充箱民得而獻諸王與序異又作王召周公而問亦非周本紀禾作嘉穀魯世家畝作母歸作餽周公既得命禾旅天子之命作嘉禾

鄭曰嘉禾也

漢書王莽傳引書逸嘉禾曰周公奉鬯立于阼階延登贊曰假王諫政勤和天下古文假格通作假者誤按鄭氏漆書古文增多篇目無嘉禾而王莽引書逸嘉禾篇漆書無畢命而二統引畢命豐刑是漆書古文之信而可徵者亦僅二十八篇而已舜典以下二

十四篇之目固不足盡據也史記旅作魯古文旅魯
通

成王既伐管叔蔡叔以殷餘民封康叔作康誥酒誥梓材

鄭曰言伐管蔡者爲因其國也不言霍叔者蓋赦之
也康爲號謚初封于衛至子孫而并邶鄘也按康誥
酒誥梓材皆周公初謀作洛代成王大誥治之書也
告康叔命妹邦教邦君御事而申以進戒嗣王必曰
既伐管叔蔡叔又必曰以殷餘民而聖人之心見矣
詳序說釋文梓本亦作梓正義封作邦

成王在豐欲宅洛邑使召公先相宅作召誥

鄭曰欲擇土中建王國使召公在前視所居者王與
周公將自後往也按宅洛邑者武王之志周公成之
必曰成王欲宅洛邑而後周公克以誕保文武受命
也詳召誥序說

召公既相宅周公往營成周使來告卜作洛誥

鄭曰居攝七季天下太平而此邑成乃名曰成周也
按洛誥之書周公誕保文武受命於是乎成詳洛誥
序說

成周既成遷殷頑民周公以王命誥作多士

按康誥酒誥梓材繫之成王多方亦繫之成王而多士特著明之曰周公以王命告蓋至成周既成而後文武所受之民有以和協而先後之也經曰商王士序曰頑民唐虞之三苗周之淮夷一也

周公作無逸

按周公作三字僞孔傳所增也周本紀云作多士無佚魯世家云乃作多士作毋逸作字亦校書者据僞孔本增下言毋逸稱云云多士稱云云又言以戒成王周多士今本亦錯誤以此可知多士毋逸二篇非異序矣周公之戒成王也初來自奄作立政謀作大

邑化梓材成周既成作無逸此三書者萬世持盈守
成者之鑑也序例同

召公爲保周公爲師相成王爲左右召公不說周公作
君夷

按序君夷於成王征之前所以箸召公之不失成王
之善補過也必曰召公爲保周公爲師相成王爲左
右者本之武王之命且箸周召之同心以備成王也
君臣之義聖賢之心皆見於此詳君夷序說

成王東伐淮夷遂踐奄作成王征

鄭曰成王征也

鄭曰踐讀曰翦翦滅也奄國在淮夷之北此伐淮夷

與踐奄是攝政三季伐管蔡時事其編篇於此未聞
馬云征正也按周公東伐淮夷時成王至奄故曰成
王征他如黜殷命伐管蔡序皆繫之成王非必皆成
王親往征之也周公之書始於金縢自大誥以至無
佚所以育成至德誕保文武受命者備矣而成王所
以爲成則有成王征以至顧命康王之誥故特著之
曰成王征與太甲高宗彤日同例詳成王征序說釋
文政如字馬本作征

成王旣踐奄將遷其君于蒲姑周公告召公佗將蒲姑

鄭曰將
蒲姑也

鄭曰奄既滅矣其君佞人不可復故欲徙之於齊地使服於大國馬曰薄姑齊地按孟子所引周公相武王誅紂及有攸不爲臣東征文卽成王征將蒲姑之逸篇也詳成王征序說史記蒲姑薄

成王歸自奄在宗周誥庶邦佗多方

此成王迎周公至宗周作書誥四國多方也詳多方序說

成王既黜殷命滅淮夷還歸在豐佗周官

鄭曰周官以堯典正義

孔以周官在立政後第八十八鄭以爲在立政前第八十六

按成王歸自奄至於豐以黜殷命滅淮夷告文王廟

遂以作洛之事命百官序周官而次以立政七季之
則制禮作樂周道大成得人之效也詳周官序說史
記周官亦在立政前

周公作立政

按周頌與書相表裏訪洛嗣王謀於廟也於書爲周
官敬之之詩所以答羣臣進戒者尤兢兢焉周公復
申之以立政庶獄庶慎一有不乂恐王國之不克長
況能致太平作禮樂故立政者洛誥之先事也詳立
政序說

成王既伐東夷息慎來賀王俾樂伯作賄息慎之命

鄭

肅息慎
之命也

鄭曰息慎或謂之肅慎東北夷馬曰息慎北夷也榮
伯周同姓畿內諸侯爲卿大夫也史記亦作息慎俾
他賜正義本作肅慎釋文俾馬本作辦江聲云俾賜
也書或爲辦辦古班字班亦賜也江說是

周公在豐將沒欲葬成周公薨成王葬于畢告周公他
亳姑鄭曰亳姑也

史記魯世家云周公在豐病將沒曰必葬我成周以
明吾不敢離成王周公既卒成王亦讓葬周公於畢
從文王以明子小子不敢臣周公也正義引帝王世

紀云文武葬於畢畢在杜南晉書地道記亦云畢在杜南與畢陌別俱在長安西北按孔子序書託微言以示大義曰公薨成王葬於畢沃丁序曰沃丁既葬伊尹於亳皆聖人特筆也

周公既沒命君陳分正東郊成周作君陳

鄭曰君陳也

鄭曰東郊周之近郊也天子之國五十里爲近郊今河南洛陽相去則然

成王將崩命名公畢公率諸侯相康王化顧命

按此篇止敘顧命及誥諸侯之事未嘗及喪紀解者皆誤會卽受命還出綴衣于庭及命仲桓南宮毛呂

及送往事居君臣之義略見於此

成王崩康王既尸天子遂誥諸侯化康王之誥

按太保芮伯進而告誡於王王乃報誥於諸侯自此
以下爲康王之誥釋文馬本康王上更有成王崩三
字

康王命化冊畢分居里成周郊化畢命鄭曰畢

鄭曰今其逸篇有冊命霍侯之事不同與此序相應
按畢終也周公成王未竟之業至康王始畢之故曰
成康之隆刑措四十餘年不用史記畢下有公字是
校書者妄增也

穆王命君牙為周大司徒作君牙

鄭曰君牙也

釋文君牙或作君雅

穆王命伯冏為周太僕正作冏命

鄭曰冏命逸

史記云王道衰微穆王閱文武之道缺乃命伯冏申

誠

徐廣曰一作部

太僕國之政冏作冏漢書古今人表同說

文冏字注云从聑亦周書曰伯冏古文冏字釋文

冏九永反字亦作哭明即古文冏詐說文古籍疏證

蔡叔既沒王命蔡仲踐諸侯位作蔡仲之命

鄭曰蔡仲之命也

堯典正義孔以蔡仲之命次君奭後弟

八十三鄭以為在費誓前弟九十六

魯侯伯禽宅曲阜徐夷並興東郊不開伯費誓

堯典正義孔以

葉誓在文侯之命後第九十九鄭以爲在呂刑前第九十七又云孔依壁內篇次及序爲文鄭依賈氏所奏別錄爲

次

齊世家云伯禽卽位

伯禽受封見於洛誥不得云有管蔡反當伯成王卽位爲允

之後有管蔡反也淮夷徐戎亦並興反於是伯禽帥師伐之於盱伯誓釋文開舊讀皆伯開馬本作闕說文葉字注云从米北聲周書有葉誓鄭注周禮雍氏禮記曾子問皆引伯葉誓大傳作解誓

呂命穆王訓夏贖刑伯呂刑

史記云諸侯有不睦者甫侯言於王作修刑辟命曰甫刑篇次繫命後

王錫晉文侯拒匄圭瓚作文侯之命

釋文平王馬本無平字錫作賜蓋孔安國所傳本無
平字故史記晉世家新序善謀篇皆誤以爲襄王賜
晉文公命也

秦穆公伐鄭晉襄公帥師敗諸嵒還歸作秦誓

男文瀨謹校